



Na osnovu člana 9. Zakona o kantonalnim ministarstvima i drugim tijelima kantonalne uprave (Službene novine Srednjobosanskog kantona, broj: 8/03 i 14/03) te na osnovu člana 6. Odluke Vlade Srednjobosanskog kantona o usvajanju programa korištenja sredstava, s kriterijima raspodjele sredstava, ostvarenih od naknade za koncesije iz nadležnosti Ministarstva privrede u 2022. godinu, broj: 01-11.7-1800/22 od 10.3.2022. godine, Ministarstvo privrede objavljuje

**JAVNI KONKURS
za odabir korisnika sredstava
ostvarenih od naknade za koncesije iz nadležnosti Ministarstva privrede u 2022.
godini**

I. PREDMET KONKURSA

Objavljuje se javni konkurs za dodjelu sredstava za sufinansiranje projekata u oblasti:

- a. Geoloških istraživačkih radova u domeni mineralnih sirovina te ostalih poslova i zadataka kojima se osigurava kontinuitet istraživanja i unapređenje mineralne sirovinske osnove na području Srednjobosanskog kantona;
- b. Zaštite i unapređenja okoliša te razvojnih projekata na području Srednjobosanskog kantona.

Sredstva za ove namjene su predviđena Budžetom Srednjobosanskog kantona za 2022. godinu Ministarstvu privrede i u skladu sa Odlukom o usvajanju programa korištenja sredstava, s kriterijima raspodjele sredstava, ostvarenih od naknade za koncesije za mineralne sirovine za 2022. godinu.

II. NAMJENA

U oblasti geoloških istraživačkih radova u domeni mineralnih sirovina te ostalih poslova i zadataka kojima se osigurava kontinuitet istraživanja i unapređenje mineralne sirovinske osnove na području Srednjobosanskog kantona sufinansiraju se projekti:

- a. istraživanje mineralnih sirovina na području Srednjobosanskog kantona;
- b. izrada programa i projekata istraživačkih radova;
- c. izrade elaborata o geološkim rezervama mineralnih sirovina.

U oblasti zaštite i unapređenja okoliša te razvojnih projekata na području Srednjobosanskog kantona sufinansiraju se projekti:

- a. zaštite i unapređenja okoliša na području mjesnih zajednica gdje se istražuju i/ili eksploatiraju mineralne sirovine;
- b. razvojne i druge projekte koji ublažuju posljedice istraživanja i/ili eksploatacije mineralnih sirovina te razvojni i drugi projekata na području Srednjobosanskog kantona.

III. PRAVO UČEŠĆA

Pravo na podnošenje projekata na javni konkurs u oblasti geološki istraživački radovi u domeni mineralnih sirovina te ostalih poslova i zadataka kojima se osigurava kontinuitet istraživanja i unapređenje mineralne sirovinske baze na području Srednjobosanskog kantona imaju privredni subjekti:

- a. koji s Ministarstvom privrede imaju potpisan ugovor o koncesiji za istraživanje i/ili eksploataciju mineralnih sirovina i pribavljeno odobrenje za istraživanje;
- b. koji će projekat realizovati na području Srednjobosanskog kantona;
- c. koji su podmirili poreze i doprinose;

- d. koji su podmirili obaveze po osnovu naknade za koncesiju.

Pravo na podnošenje projekata na javni konkurs u oblasti zaštite i unapređenja okoliša te razvojnih projekata na području Srednjobosanskog kantona imaju:

- a. općine i mjesne zajednice sa područja Srednjobosanskog kantona;
- b. neprofitne organizacije sa područja Srednjobosanskog kantona.

IV. SADRŽAJ PRIJAVE ZA UČESTVOVANJE NA JAVNOM KONKURSU

Prijava mora biti urađen sadržajno po elementima zahtijevanim u potrebnoj dokumentaciji ovisno o pojedinom projektu.

Prijavu razmatra Komisija za razmatranje primljenih projekata na osnovu javnog konkursa, vrednovanje primljenih projekata i sačinjavanje prijedloga odluke o dodjeli sredstava, koju imenuje Ministar privrede, ako su dostavljeni:

1. Zahtjev za uključivanje u projekt

Pod pojmom Zahtjev za uključivanje u projekt podrazumijeva se uredno popunjen Obrazac „Zahtjev za uključivanje u projekt“.

Ukoliko Zahtjev za uključivanje u projekt nije ovjeren i potpisan od odgovorne osobe, odbiti će se i neće biti predmet daljeg razmatranja Komisije.

2. Obavezni prilozi

Pod ostalim prilozima podrazumijevaju se oni prilozi koji se traže od podnosioca prijave, kojima podnosilac prijave dokazuje da li je kompetentan, pouzdan i da li redovno ispunjava svoje zakonske obaveze.

Popis zahtijevane dokumentacije u ovisnosti od podnositelja zahtjeva i projekta za koju se oblast prijavljuje, dat je u potrebnoj dokumentaciji za odgovarajuću oblast.

Prijave koje ne sadrže zahtijevanu dokumentaciju, bit će odbijene i neće biti predmet daljeg razmatranja Komisije.

Sva priložena dokumenta moraju biti izdana od strane nadležnih sudskih ili upravnih organa. Priložena dokumenta ne smiju biti stariji od 3 (tri) mjeseca od dana objavljivanja ovog konkursa, izuzev rješenja o registraciji pravnog subjekta, uvjerenja o poreznoj registraciji i uvjerenja o registraciji PDV-a. Sve priložene kopije dokumenata moraju biti ovjerene od strane nadležnih upravnih organa ili notara.

V. KRITERIJI ZA OCJENU PRIJAVE I IZBOR KORISNIKA

Komisija za razmatranje primljenih projekata na osnovu javnog konkursa, vrednovanje primljenih projekata i sačinjavanje prijedloga odluke o dodjeli sredstava izvršit će ocjenu prijave i vrednovanje projekata na osnovu slijedećih kriterija:

- U oblasti geoloških istraživačkih radova u domeni mineralnih sirovina te ostalih poslova i zadataka kojima se osigurava kontinuitet istraživanja i unapređenje mineralne sirovinke osnove na području Srednjobosanskog kantona vrednovati će se:
 - a. kvalitet projekta 30%
 - b. vrijednost projekta 20%
 - c. stepen samofinansiranja 10%
 - d. nova geološka istraživanja 20%
 - e. stepen zaštite okoliša 10%
 - f. povećanje zaposlenost 10%.
- U oblasti zaštite i unapređenja okoliša te razvojnih projekata na području Srednjobosanskog kantona vrednovati će se:

- | | |
|----------------------------|------|
| a. kvalitet projekta | 30% |
| b. vrijednost projekta | 20% |
| c. stepen samofinanciranja | 30% |
| d. stepen zaštite okoliša | 20%. |

Na prijedlog Komisije Odluku o dodjeli sredstava donosi Vlada Srednjobosanskog korisnika i ista će biti objavljena u Službenim novinama SBK.

Broj prihvaćenih projekata – programa, te visina sredstava koja će se dati na raspolaganje korisniku, ovisit će isključivo od broja zahtjeva i visine planirani sredstava.

VI. PREUZIMANJE POTREBNE DOKUMENTACIJE

Potrebnu dokumentaciju za učešće na Javnom konkursu, pripremio je Ministarstvo privrede i ista se može preuzeti elektronskim putem na web stranici Vlade SBK www.sbk-ksb.gov.ba ili u prostorijama Ministarstva u Travniku, ulica Prnjavor 14 (Zgrada ŽAS-a) svakim radnim danom u vremenu od 10-14 sati.

VII. PODNOŠENJE PRIJAVE

Prijave sa odgovarajućom dokumentacijom, šalju se lično ili preporučeno poštom u zapečaćenim kovertama na adresu:

Ministarstvo privrede
Stanična 43
72270 Travnik

sa naznakom : „NE OTVARATI – po javnom konkursu“.

Rok za dostavu programa – projekata je 20 (dvadeset dana) od dana objave javnog konkursa.

Prijave primljene nakon isteka roka neće biti razmatrane.

VIII. TROŠKOVI PROJEKTA – PROGRAMA

U postupku javnog konkursa Ministarstvo privrede ne snosi nikakve troškove učesnicima konkursa, te zadržava pravo da prijavu prihvati u cijelosti, djelomično ili je u potpunosti odbije, poništi javni konkurs ili odbaci sve prijave u bilo koje vrijeme prije sklapanja ugovora. Ministarstvo privrede neće snositi nikakvu odgovornost prema učesnicima konkursa, niti je obavezno objasniti razloge takve odluke. Prispjela dokumentacija neće se vraćati.

IX. OSTALE ODREDBE

Sa kandidatima čije se prijave prihvate, Ministarstvo privrede će potpisati Ugovor o implementaciji dodijeljenih sredstava, kojim će biti preciziran način i dinamika korištenja odobrenih sredstava, te nadzor nad trošenjem istih u namijenjene svrhe.

Ministarstvo privrede će na stranici Vlade SBK objaviti listu poslovnih subjekata koji ne ispunjavaju uslove Javnog poziva, na koju poslovni subjekti imaju pravo prigovora u roku od 8 (osam) dana od dana objavljivanja liste.

Sve dopunske informacije vezane za konkurs mogu se dobiti svakim radnim danom putem telefona broj 030/ 511 – 217 od 10,00 do 15,00 sati ili e-mail: min.priv@bih.net.ba.

Broj: 05-11-147/22-2

Travnik: 18.03.2022. godine

MINISTAR

Nisvet Hrnjić